



UNIVERSITÄTS-
BIBLIOTHEK
PADERBORN

Universitätsbibliothek Paderborn

Benedicti Ariæ Montani Hispalensis Poemata

In Qvatvor Tomos Distincta

Humanæ salutis Monumenta, & Odæ variæ

Arias Montano, Benito

Antverpiæ, 1589

In Michaeam Prophetam Carmen ex voto.

urn:nbn:de:hbz:466:1-44973

Nec tibi his quidquam simile aut secundum
Sed magis patris titulo ac benigni
 Nomine gaudes.

Huius immensi monumenta honoris
Regna cum totis populis, & vrbes,
Multaque infantum, pecorumque multa
 Secla tulere.

Ergo iactatum mediis laborum
Fluctibus dudum, tenere & iuuentæ
Iam tuo creptum auxilio procellis
 Respice vatem;

Vnda quem nuper rapide resorbens
Faucibus vulgi dedit auferendum:
Vnde nil præter tenebras metumque
 Sentit inertem.

Da pater tui tenuisse portus
Otia, & mentis placidum quietæ
Tempus; ac votis facilem benignus
 Annue sedem:

Siue me excelsum ad scopulum referre:
Qui locus nobis facer, ac beatæ
Conscijs vitæ cupidis latendi
 Contigerat iam:

Sen velis longè spatiis remotis
Abdere, vt semper tua sacra præsens
Vsq; in extremæ celebrem sacerdos
 Stamina telæ.

IN MICHAËAM PROPHETAM,

Carmen ex voto.

O Qui doctiloquis versibus ardua
Vates gesta ducum ponere fortium
Assueti, imperiumque orbis in vltimos
Fines in trepido milite proditum;
Et qui consilijs prædita prouidis
Magnorum canitis pectora principum,
Per quæ vel populis pacis & aureæ, &
Iuris certus honor, vel decus & rei
Vfus cuique suæ contigit innocens,
Huc omnes numeros vertite carminum,
Quidquid mens valeat dicere vel pium,
Vel vox eximium, vel citharæ sequi,

Contentis

Contentis
Altern
Et quæ n
Conar
Vos dign
Vos n
Numen c
Nostr
Præstanti
Qui f
Summor
Suspec
Sed qua
Qua
Cura res
Recto
Producen
Hic r
Obscuro
Quan
Tollit, et
Etra
Sic visun
Nam
Reges A
Et nu
Aui fac
Eius,
Luce oli
Serpe
Hæ peit
Quan
Sensere
Magn
Quæ qu
Certa
Nunc ta
Et f
Qua sec
Vlt
Dum pe
Et r

Contentis fidibus cantus & aurea
 Alternis pariter templa sonent choris.
 Et quæ nos humilis munere barbiti
 Conamur tenues magna nouis modis,
 Vos dignis melius tollite laudibus:
 Vos mecum ætherei principis, & Dei
 Numen carminibus dicite; qui genus
 Nostrum, & res hominum qui imperio tenens,
 Præstanti sapiens frena regit manu,
 Qui fert non dubiis lancibus omnia
 Summorum ac populi iura, nec arduos
 Suspectans apices infima despicit:
 Sed qua sidereum prouidus æthera,
 Qua terras placidus temperat & mare,
 Cura res hominum prospicit ac fouet
 Rector muneribus omnia commodis
 Producens fluidi tempora seculi.
 Hic regum indocili colla domat iugo,
 Obscuroque premit carcere principes:
 Quandoque & medio de grege pauperum
 Tollit, cui imperij sceptrâ micantia,
 Et tractanda potens iura hominum ferat,
 Sic visum grauibus consilijs Dei:
 Nam sæpe & stygijs erua fluctibus
 Reges Ambitio perdidit insolens,
 Et nunquam saturis pallida faucibus
 Auri sacra fames pestiferum genus
 Eius, qui proprium nomen ab aurea
 Luce olim positum vertit in inuidum,
 Serpentis docilis terrea lingere.
 Hæ peltes animum, & corda regentium
 Quantis inficiant seminibus mali,
 Sensere & populi, sensit & urbium
 Magnarum numerus innumerabilis:
 Quæ quondam validis ardua turribus
 Certauere poli vincere culmina;
 Nunc tantum tumulis saxa perennibus,
 Et spelunca malis sentibus horrida,
 Qua secura cubet cum catulis fera,
 Vtricem scelerum iustitiam indicant,
 Dum per fasque nefasque irruit arbiter,
 Et regum indomitam sæpe licentiam

In maiora fouet pellere crimina,
 Iam quæ claustra decus iuraque truniat,
 Perrumpit genitrix callida fraus doli,
 Et vis simplicius fraude nocens iuit,
 Exemplo vt populus doctus, & indigam
 Oppressus fugiens pauperiem pati
 Nec leges timeat, nec metuat graueis
 Pœnas tartarei sulfura fluminis:
 Sed quæuis subeat crimina, maximas
 Sudore exiguo vt diuitias paret.
 Ast nos cuncta leui pondere ducimus,
 Quæ vel gemmifero Phiseon alueo,
 Vel rubris Erythre marginibus lauat,
 Si nec Sirlinea texta domus trabe,
 Nec curas adimit lectus eburneus,
 Nec fucis Tyriis ebria vellera:
 Quod si me cupidum spiritus in suam
 Tutelam placidus excipiat, neque
 Cognouisse vetet munera duplici
 Consecrata libro, nec neget indere
 Numen visceribus, dum meditor, suum,
 Vel Cyrum superem forte beator.

HYMNVS EX VOTO IN NAHHVM.

Ode Dicolos Tetraſtrophos.

O Me quid latebras quærrere, & auium
 Vulgo nunc mediis rupibus abditum
 Obscurè miseros & sine gloria
 Percurrisse iuuat dies?
 Atque æuum studiis heu nimium breue
 Instantem grauibus ducere, quid pati
 Duram pauperiem? speroere dulcium
 Vitæ comoda partium?
 Et cur non potiùs magna potentium
 Præfens facta sequar, iamque animosior
 Contendam gradibus scandere prospera
 Clari munera nominis?
 Illic diuitiæ, & præmia maxima
 Audendi, & celebri gloria vertice
 Atollens folio collocat intinis
 Productum è tenebris virum:

Fasces